

PILLE

G

X

28

G. x. c.
18

CS

PILLÉ (ALEXANDRE LOUIS)

Barret
24/11/28
307

41278 7/11
69525

DISSERTATIO MEDICA

DE MILIARIBUS ACUTIS,

QUAM

IN AUGUSTISSIMO LUDOVICO MEDICO
MONSPELIENSI,

Deo dūce, & auspice Dei-parâ, ab horâ
octavâ ad meridiem, propugnabat
ALEXANDER-LUDOVICUS PILLÉ Mon-
targiensis Diocœsis Senonensis apud
Campanos, Author, Artium Libera-
lium Magister & jamdudum Medicinæ
alumnus, die secundâ mensis Martii
anni 1773.

Pro Baccalaureatûs gradu consequendo.




MONSPELII,

Apud AUGUSTINUM - FRANCISCUM ROCHARD;
Regis & Universitatis Medicinæ, Typographum
unicum.

M. DCC. LXXIII.

Non ex intellectis causis ,
sed ex observatione fideli
effectuum morbos cognoscere
& curare. *Vanswieten* §. 587.
pag. 55. tom. 2.





ILLUSTRISSIMO
NOBILISSIMOQUE VIRO
D. D.

FRANCISCO-DAVIDI
HERISSANT,

SALUBERRIMÆ FACULTATIS PARISIENSIS
DOCTORI REGENTI,

REGIÆ SCIENTIARUM ACADEMIÆ PARISIENSIS,

NEC - NON

REGIÆ SOCIETATIS LONDINENSIS SOCIO,
Antiquo Anatomix, Chirurgiæ & utriusque Phar-
maciæ in Scholis Medicorum Professori.

*V*IR ILLUSTRISIME,

*Ut tibi laborum primitias consecrem ;
jamdudum erat animus ; fœderis quod te
carissimæ Sorori meæ jungit , ob maritum
ejus ab illustri Familia ortum (1) , memo-
ria ; locus quem meritò inter doctissimos
Viros obtinuisti me impulerunt ut mentem
tibi meam aperirem ; benignitas quâ mihi
respondidisti vota explevit mea.*

Quæstio quam tractandam suscepi ardua


(1) De la Hire.

est : illud probat magna Autorum inter se discrepantia ; litem solvere tironi rudi & inexperto non decet , sententias eorum qui rectius de Febre Miliari scripserunt attentè perlegi & mecum volutavi , ex quibus opusculum meum conflari patebit. Tanta opinionum diversitate permotus , & virium tenuitatis meæ haud inscius in limine hærebam ; ast in meam utilitatem & civium emolumentum lubens periculum aggressus fui ; me de iis benè meriturum existimavi , si morbo qui sævissimas in Patria strages edit depellendo totis viribus me dederem ; Lectoremque indulgentem fore confido , dùm rationis quæ me movit certus erit.

Quid mihi optabilius evenire poterat Vir eruditissime , quàm te Mæcenatem habere cujus nomen suprà laudes ponitur , te semper Medicis dilectissimum reddent præstantissimi commentarii , dolere non desinent quòd , infirmâ valetudine , opera perfectè absolvere non possis. Utinam tibi placeat mea Dissertatiuncula ; enixè saltem te rogo ut illam grato & benevolo accipias tanquam æternum meæ observantiæ specimen ,

VIR ILLUSTRISIME ,

Humillimus , addictissimusque
Servus PILLÉ.



DISSERTATIO MEDICA

DE MILIARIBUS ACUTIS.



MILIARIA Gallicè dicta *le Millet*, pustulæ nuncupantur quæ per totum corpus sparsæ in vesiculas sero plenas evadunt granum Milii referentes. Humor quem continent excolor est vel rubellus, unde dividuntur in alba & rubra : febrem comitem habent, vel illâ carent. Priora vocantur acuta, altera verò chronica, vel scorbutica Hoffmanni, de prioribus tantum hîc agemus.

De origine Miliarium disputatur, quidam Hypocrati nota esse volunt, tempore Foresti & Riverii apparuisse contendunt alii, ad epidemiam Lipsiæ illius epocham ponunt plurimi, in quâ morbus puerperas

tantum aggressus fuit, hinc omnes cives postea conflictati sunt & sensim nullò ætatis discrimine ad plures provincias se extendit, undè Germaniam, Helvetiam, Galliam, Italiam invasit. Huic disquisitioni brevitatis causâ non diutiùs immorabimur, qui plura desiderabit eximia opera celeberr. Fanton & Allioni adeat.

Benigna vel maligna adest Febris Miliaris, simplex vel composita, non-nunquam epidemicè grassatur, & sæpiùs singularia duntaxat subiecta inficit. Cum pluribus aliis morbis sociatur, illis succedit aliquando, nec-non illos præcedit; (a). Fallax est & sæpè Medicum ludit, nempe æger moritur postridiè quàm meliùs se habuit, & spem magnam ostendit, illud confirmatur observatione sequenti. Puerpera mihi cognita præter omnium expectationem obiit, cum pridie valdè symptomata remisissent, & vespere sanæ similis tanquam mali sui immemor collocuta esset cum familiaribus, ejusque facilis, jucundus & jocularior sermo fuisset (b). Interdum larvatus morbi alius incedit. Communi Medicorum observatione conf-

(a) Collin. Dissert. de Feb. Mil. p. 56.

(b) Fanton. observ. de acut. Feb. Mil. p. 177.

tat Miliaria in febribus catharralibus malignis plerumque oriri : cum variolis , morbillis , pleuritide conjungitur , albæ cum rubris immiscentur aliquandò pustulæ , nec-non eodem tempore apparent petechiæ , sub formâ intermittentis se prodit etiam (c).

Mulieres præ viris huic morbo magis obnoxie sunt , inter quas nobiliores , delicatæ , fluore albo affectæ , puerperæ , præsertim illæ quarum partus laboriosus , vel infirma fuit graviditas , viros lautè viventes otiosos , laxo habitu & temperie phlegmaticâ præditos invadit Febris Miliaris ; senes & infantes prius adoritur quàm adultos , in hanc febrem faciliùs delabuntur qui morbo præmissò debilitati , & magnas evacuationes perpeffi sunt , hystericæ & hypochondriaci.

Signa quæ Febrem Miliarem denunciant enumerare nunc nobis incumbit.

Incipit febris continua cum summâ totius corporis debilitate , horrore & æstu frequenter alternantibus , lassitudinibus spontaneis : horripilationi succedit calor moderatus , vires languent , deficiunt , pulsus frequens , inæqualis , parvus , plus

(c) Balguy Epistol. ad Joannem Fordice.

minus-vè contractus est, anxietatibus & cephalalgia laborat æger, illius somni phantasiis perturbantur quibus dolet dum expergefit. Ad sunt sæpè nausæ, vomitus, calor fit acer & mordax: si cutis primis diebus sit arida, brevi madefit, superveniunt sudores qui aliquandò usque ad febris declinationem persistunt. Nec profecto morbi adventantis jam-vè præsentis ullum observare potui certius signum quàm immanes quibus ferè ægroti resolvuntur sudores, quanquam nec lecti calore, nec victu intemperato, nec medicamentis fuerint elicitæ (d). Siti maximâ torquetur æger, præcordiorum angustia & inquietudinibus vexatur, languores experitur qui in animi deliquia mutantur si in lecto se erigere velit, difficilis est semper respiratio & anhelosa; languores, irrequies, corporis jactationes certò Febrē Miliarem indicant, licet nondum eruperint pustulæ. Quandoque evenit ut febris appareat cum symptomatibus quæ Miliarem stipantur, absque eruptione, undè tunc temporis vocatur Febris Miliarifans (e). Maximè proni sunt ægrotan-

(d) Fordice Historia Feb. Mil. p. 28.

(e) Fischer de Feb. Mil. p. 74. §. 21.

tes ad sudores copiosos, olentes, foetidos, totum illis aliquandò perfunditur corpus, imò antequam eruptio fiat simile quid exhalat è laxatis jamjam cutis osculis, ea ratione ac in prodituris variolis & morbillis deprehenditur, cùm singularis naresque feriens per totam cubilis atmosphæram dispersus foetor ex ægri corpore erumpit. Alta suspiria edunt ægrotantes quæ instanti eruptione adaugentur, nec non respiratio fit difficilior, insomniis succedit delirium, si febris sit maligna, fere semper adest tussis sicca, urinæ initio copiosæ plerumque sunt crudæ, limpidæ (f): alvus aliquoties adstricta & aliàs laxa est, tremunt manus, convulsionibus ægri corripiantur, sæpissimè dolore capitis conqueruntur, illarum arteriæ mesentericæ validè etiam pulsant, (annuente clarissimo Debrest) quod indicium ultimum est exacerbationis per quam ingravescent symptomata.

Die tertio vel quarto citius ferius-ve (nullus enim definitus est dies) exacer-

(f) Urina non nunquam fere ut aqua communis pallida, aliàs naturalem præ se fert colorem, quo symptomate decepti juniores Medici frequenter ad vapores uti vulgò loquuntur, referunt. Hamilton de Febr. Mil. p. 382.

bationis tempore pruritu & punctura afficiuntur ægri quem sudoribus tribuunt, quique per totum corpus diffunditur: cutis fit aspera anserinæ ad instar, innumeræ apparent pustulæ albæ vel rubræ quæ aliquoties in crySTALLINAS mutantur, variamque adipiscuntur magnitudinem (g). Sedem habent præcipuè in collo, pectore, rariùs apparent in facie quam mulieris totum quoque caput vesicularibus pustulis opertum fuit (h), pedes & manus aliquandò nec-non ceteras corporis partes afficiunt. Interdum pustulas cutaneis propè similes in palato & faucibus Medici observarunt. De aphthis linguam operientibus loquitur Hamiltonus quæ intereà dùm augentur exterioris corporis papulæ deprimuntur & vicissim. Aphthas quoque Junckerus inter effectus annumerat recedentis purpuræ rubræ, quâ iterum prodeunte, sensim illæ evanescent. Notari pariter meretur quod quandoque illis in locis ubi aphthæ vix occurrunt observentur exanthamata milia-

(g) In tantam magnitudinem pustulas excrefcere conspeximus, ut variolosas vesiculas ichore plenas æquarent seque mutuò contingerint. Mollinari de Feb. Mil. p. 46.

(h) Fanton ibid. p. 46.

ria dicta, alba & rubra in externâ corporis superficie. An tunc ad externam cutim deponitur simile quid ac in aliis locis per corporis superficiem dispergitur (i)? Ubi eruptio facta est symptomata mitigantur, opacantur pustulæ aliquot dierum spatio coquuntur, exarescunt, & sensim per squammulas secedunt.

Hæc sunt quæ evenire solent si res bene cedat in casu verò contrario valdè debilitantur ægri, vires eorum obruuntur, siti maximâ torquentur, interiora exæstuant, salutem desperant, anxietatibus magis urgentur, sudore frigido perfunditur corpus, pulsus fit frequens, inæqualis, parvus, tremulus, delirium adest obscurum vel coma somnolentum, tendines subsiliunt, convulsiones aliquando nec non phrenitis mortem in limine esse prænunciant.

Hæc symptomata plus minus-ve sunt intensa ratione morbi benignitatis vel malignitatis.

Non desunt causæ remotæ quæ Febri Miliari ansam præbere valent v. g. animi pathemata qualia moeror & sollicitudo, transpirationis insensibilis suppressio, lo-

(i) L. B. Vanswieten commentar. t. III. §. 982.

chia retenta & lactis retrocessus apud puerperas (*k*): ad hunc morbum disponunt etiam magnæ evacuationes, hemorrhagiæ nimix, vigiliæ, meditatio, vita otiosa, aer vappidus, æstas nebulosa & pluviosa nec-non alvus adstricta, & sudores nimis protracti.

In naturæ involucris penitus obvolvitur causa proxima. Multæ de eâ prolatae sunt opiniones quas delineare nobis est animus. Alii existimant Febrem Miliarem pendere à nimia copiâ, lentore & acrimoniâ tenuium humorum vasa subcutanea oppilantium. Acidum esse miasma Miliare vult Hamiltonus & in hunc finem absorbentia tanquam efficacissima remedia proponit. Natura hujus morbi est inflammatoria ac putrida secundum Doctorem Planchon in cujus rei confirmationem multa protulit (vide eximiam dissertationem (*l*)). Qualiscumque demum sit, inquit Hoffmannus, ex vitiato corruptoque in corpore succo oritur. Singulare virus esse naturæ incognitæ multi asserunt, constare substantia tenuissima exstimulanti

(*k*) Puzos, Traité des accouchemens p. 379.

(*l*) Planchon Differt. sur la Fièvre Miliare, art. III. p. 61. 62 &c.

veneno prorsus æquiparanda contendit
celeber. Allionius, unanimi consensu ner-
vos affici compertum manet, huic sen-
tentiæ maximè adhæret experientissimus
Fischer cujus observationem huc revocare
non alienum fore putamus: Neonupta vi-
ginti annorum, nocte à celebratis nup-
tiis media, sine causâ ridere, mox quief-
cere, rursusque ridere incipit. Cum risum
continere studet, præcordia opprimuntur
cum anxietate, insequitur febricula: dan-
tur diluentia, aquæ diapnoicæ pulvis antie-
pilepticus, liquor. miner. Hoffmanni &
alia. Risus pedetentim minuitur, corpus
madore afficitur, & tunc in pectore ju-
gulo & facie, purpura rubra & alba ap-
paret. Commode itaque sub diæta, per
jacula diluta carnea, cum incoctis radi-
cibus scorfonæræ, herbarum chærefolii
aliisque convaluit. Aët. Helvet. vol. 1. p.
47. quis hanc excretionem Miliarium
idiopathicam fuisse negabit & quidem ex
irritatis nervis uterinis, qui non solum
intercostales ad risum coëgerunt, sed
etiam omnem nervorum succum ad or-
gasmum halituosum excitarunt? annotat
etiam Vir illustrissimus quod hæc excretio
unicè partes superiores affecerit, quæ in
tali venerea irritatione, ex sanguine per
moram, circa respirationem stagnante.

rubescunt & turgescunt (*m*). Acerrimum esse miasma miliare non dubitabant nonnulli, quod ultimum probatur experimento per-illustr. Storck, qui lympham Miliarem degustavit, linguamque ejus acriter & valdè pungi afferit.

Nunc examinandum venit an Miliaria sint critica vel symptomata.

Hæc quæstio multùm agitata fuit inter Medicos & diversis opinionibus ortum dedit.

Observatione patet Miliarium symptomata illicò cessare, eruptione factâ, vel saltem minui. Præterea gravissimum discrimen retropulsa Miliaria sequitur, quod millenis probatur exemplis, nempe ægri aliquandò mortui sunt ubi evanuerint pustulæ.

Clarissimus Marteau refert (*n*) febrem adesse malignam epidemicam, comite phrenitide, cui, mitigatis inflammationis symptomatibus, superveniebant 11. vel 14. die Miliaria crySTALLINA quæ morbum solvebant. Critica observavit illa illustr. Planchon, nec-non ejus collega duas pleuritides veras Miliaribus albis solutas vidit

(*m*) Fischer. *ibid.* p. 47.

(*n*) Journal de Méd. tom. 8. p. 279.

(o). Plures historias huic similes retulit per-illustr. Storck , alias facilè recensere-mus quas brevitatis causâ mittimus.

Diffinulandum non est attamen symptomatica fieri posse, licet rariùs eveniat. Hanc opinionem acriter defendit magnificus du Haen pluribus innixus observationibus, imo Miliaria semper à regimine calido & medicamentis stimulantibus repeti asserit (p), quod validè improbatur à celeberrimis viris (q).

His omnibus inter se collatis & rectè perpenfis, si tyroni inexperto mentem suam aperire liceret, sententiæ Haenii, quamvis ejus autoritas maximi sit ponderis in arte Medicâ, adhærere nollemus, potiùs verò existimamus cum Doctissimo Collin, morbum Miliarem meritò numerandum esse inter illos qui ad cutim materiem morbosam criticè determinant, determinandoque corpus sanitati reddit.

Magnam adesse cognationem inter febres exanthematicas nemo negat, si quam-

(o) M. du Monceau, Médecin pensionnaire de Tournai, & de l'Hôpital militaire de cette Ville.

(p) De Haen ratio medendi.

(q) De Haller Apolog. p. 7. Storck. ann. Med. Collin Dissert. de Feb. Mil. cap. IV. p. 58. & seq. Tissot, Lettre à M. Hirzel sur quelques critiques de M. du Haen. &c.

dam tamen affinitatem cum illis habeat Miliaris, præcipue observabitur cum febre bullosâ à clarissimis Sauvagesio & Planchon descripta (r), multum analogiæ infert etiam cum erysypelate vesiculari & morbillis variolidibus. Peculiaribus adhuc & distinctis symptomatibus stipatur Febris Miliaris: singularem odorem exhalant pustulæ, majori punctura ac pruritu Miliaria ægros afficiunt quàm nulla alia exanthemata, prætereà admodum instabilia sunt, mox comparent, mox evanescunt, & hinc symptomata jam leniora jam graviora inferunt. Febres exanthematicæ per totum orbem propagantur, nulli ætati nec sexui parcunt, contra verò Miliaris quasdam tantum regiones occupat & interdum epidemicè grassatur, mulieres præsertim puerperæ huic morbo ut jam diximus, magis sunt obnoxie. Superiùs allata attentè perpendenti, & comparatione factâ, facile elucescet diagnosis.

Si ullo in genere acutorum morborum salutem vel mortem prædicere incertum atque difficile sit, profectò in Febre Miliari

(r) Nosolog. Méth. tom. II. p. 430. Planchon, Dissert. sur la Fièvre Miliare p. 75.

liari. Ita nimirum inconstans & fraudulenta est illius natura ut practicos oculatiores requirat, nec-non Doctissimos sæpè fallat. Multiplici enim observatione constat ægros præter expectationem obiisse, cum pridie valdè symptomata remississent, plura exempla refert celeb. Fanton.

Miliaria rubra albis mitiora sunt & minus periculosa (*s*), rarò post se trahunt gravia symptomata. Si inter illa immisceantur vel comites habeant petechias malum est. Si pustulæ modo appareant, modo evanescant, mali est ominis, si retrocedant cum exacerbatione symptomatum, pessimi. Diarrhæa, ait celeb. Hamilton timenda est apud puerperas, ne lochiorum fluxus impediatur.

Majus discrimen afferunt pustulæ quæ vel opacæ sunt, vel claræ, crystallo similes è quibus ultimis nemo evasit, si fides adhibenda sit lentilio. Metum incutiunt papulæ adeò minutæ vel demissæ ut vix percipiantur, quibuscunque sociantur gravia symptomata. Quo magis, inquit Nenterus, confertim erumpunt pustulæ

(*s*) Contrarium observavit meritissimus Collin Milia rubra quandòque saltem æquè mala ac alba esse contendit. *ibid.* p 28.

Miliares rubræ , eò citiùs symptomata conjuncta mitigantur. Convulsiones quæ morbum inchoant aut eruptionem præcedunt benignæ , quæ pustularum subsidentiam sequuntur exitiales (*t*).

In principio & augmento morbi sudatio nihil boni portendit , si appareat cum pulsu adstricto malè ominandum est , necnon sæpè mortem infert , si cum delirio perseveret. Pulsus magnus atque elatus bonam spem alit , minor affulget si sit durus , celer & contractus , parvus autem inæqualis & tremulus mortem prænuntiat. Recidiva expectanda est si morbo soluto nulla aut pauca sequatur cuticulæ decidentia , persistant verò aliqua ex symptomatibus convulsificis (*u*).

Dum complicatur Febris Miliaris plus minus-ve periculosa evenit ratione morbi quâcum conjungitur.

Ut clariùs pateat Miliarium historia dicenda quædam nobis supersunt de cadaverum apertura.

Observatio nos docet hominum hoc morbo ereptorum cadavera citò & intolerabiliter foetere , quod confirmatur

(*t*) Sauvages Nosolog. meth. tom. II. p. 400.

(*u*) Allioni Tract. de Feb. Mil. p. 63.

exemplo sequenti mulieris quam fervente
 æstate Febris Miliaris acutissima sustulit.
 Tantus enim putor tamque intolerabilis
 fuit, refert illustr. Fanton ut totam pænè
 domum infecerit, ac nemini, in cubiculo
 ubi mortuum corpus jacebat, diu versari
 licuit. Intumescunt corpora & calorem
 tenacissimè servant, quædam illorum par-
 tes nigræ aliquando reperiuntur, è nari-
 bus crebriùs stillat sanguis: multos illius
 grumos in vasis majoribus & sinubus cor-
 dis vidit Hamiltonus, sanguis tamen qui
 è discissis fluebat, lintea inficiebat colore
 pallido. Vasa capitis venosa cruore turgi-
 da tantum observavit Allionius. Apud plu-
 res ex purpura mortuos in conspectum se
 præbuerunt tunicæ intestinorum, præ-
 fertim villosa, quæ semper inflammata &
 corrupta apparuerunt, quod maximè ex
 retrocessu pustularum cutanearum eve-
 nisse. Refert Joannes-Baptista Blanchus
 in mulieribus purpura defunctis quando-
 que uterum aliquo loco inflammatum in-
 venisse, mortis causâ scapelli aciem effu-
 gente. Phlogosem solùm in utero puer-
 peræ animadvertit Bianchi. Intestina fla-
 tibus distenta sæpè observantur, nec non
 in variis abdominis partibus apostemata
 reperiuntur. Antequam huic digressioni
 finem imponamus, è re fore nobis videtur

observationem recensere quam dedit auctor anonymus (x) : aperto puerperæ corpore circa majores venas præsertim cavam, copiosa hinc & illinc in extimis earum tunicis emphysemata, ut ipse ait, hydatica reperta fuerunt, nec non plura in altero ovario & passim aliqua in toto abdomine.

In curatione Febris Miliaris methodus generalis præscribi non potest, quia multum variat ratione ætatis, sexus, temperiei, naturæ morbi, & variæ aeris constitutionis, Cui semper attendere debet Medicus monente Ballonio. Diverfimodè adhiberi debent auxilia medica, indicationes adimplendo conducent quæ dicenda habemus. Febris in debito moderamine retinenda est, qui refrigerantibus semper uteretur, inquit celeb. Collin, non minorem errorem committeret quàm qui ad stimulantia confugeret. Depellendo huic morbo sola nonnunquam natura sibi sufficit: si vires ejus labascere videantur, & eruptio sit difficilis illam promovere opus erit lenibus diaphoreticis qualia suppeditat infusum florum sambuci, tiliæ, vel cammomillæ: pulsus aliquandò minus

(x) Act. Med. Berolii ann. 1714.

est, principium vitale obruitur, deficiunt vires, tunc ad fortiora excitantia confugiendum est; (cardiaca nonnunquam danda esse fatetur Haenius ut labascens natura ad bonam crism animetur). Vesicatoria hîc maxime conveniunt nuchæ, furis, vel femoribus applicata. Camphora in hoc casu à multis deprædicatur tanquam efficacissimum remedium, nec non usus vini multum congruit: si nervos recreare opus sit ut evenit aliquoties moschum adhibere bonum est, castoreum etiam suadent quidam, illiusque effectus laudibus extollunt: indicatur pariter cortex Peruvianus qui mirè succedit, si Febris Miliaris se prodat sub genio remittentis vel intermittentem mentiatur (y), multum quoque utilitatis confert modo ut evacuentur primæ viæ.

Non unanimis est autorum consensus de sanguinis missione in Febre Miliari, puerperis Miliaribus pustulis infectis præcipuè cum lochia suppressa sunt omnino necessariam esse contendunt Hoffmannus & Mollinari, plus minus-ve repeti debet si æger sit juvenis, plethoricus, nec non

(y) Equidem hoc affirmare possum, plurimos, qui hoc morbo perierunt, servari potuisse, si ad Febris typum, animum attentius Medici adhibuissent. Fordyce ibid. p. 72. id. ibid. p. 97, 98. 99.

pulsus durum, plenum & velocem habeat. Sudoribus corpore diffuente venam secare non licet, vel tempus opportunius expectandum est (z), illorum tamen præsentia terreri non debet Medicus, posito quod pulsus prædictas qualitates fervet, vel adsit inflammatio quædam peculiaris: à sanguinis missione abstinendum est in debilitatis & cacochemicis, nec non dum adest putridæ humorum dissolutionis indicium. Eruptionis tempore sanguinem fundere plurimi verentur, hunc metum deponere in quibusdam casibus utile est quod evincitur observatione sequenti. Medicus quidam primarius famulæ cuidam cum periculum esset suffocationis, vigente eruptione sine ulla noxa sanguinem detraxit: ejus ego abhinc triennio secutus exemplum in pleuritico cui purpura aderat, idem ad quartam vicem ausus sum facere, cum ingenti delirii & puncturæ lateris levamento, segete Miliari brevi quam maxime aucta: adeo ut numerosiorem vix unquam conspexerim (a).

Emetica conveniunt initio morbi ut eliminentur primæ viæ præsertim dum adsunt nausææ vel ad vomitum propensio,

(z) Mead monita & præcepta Medica p. 18.

(a) Fordyce ibid. p. 51, 52.

nec non omnia illa quæ saburram redundare denotant, eruptioni non obfunt, imo sæpius illi favent, huic scopo infervit tartarus stibiatus à quo abstinere amant quidam Medici, & radicem ipecacuanhæ feligunt; vomitoria adhibere suadent nonnulli nisi præmisso oximellis usu magnâ aquæ copia diluti.

Cathartica rarò usurpantur in Febre Miliari (b); blanda semper & acidula in usum vocari debent ut v.g. manna, tamarindi, cremor tartari &c. In decursu morbi non conveniunt, ad declinationem tantum illa adhibere fas est, imò necessarium recidivæ metu, sanationisque stabilendæ ratione, ut tempestivæ purgationis utilitas comprobetur: observationem de quâ loquitur Hamiltonus proferre satius est; puerpera ficcatis jam pustulis denuò in difficilem respirationem incidit, tribus autem sponte subsecutis dejectionibus difficultas spirandi omninò cessavit. Non omitti debent enemata si alvus sit adstricta, emollientia feligere oportet ex

(b) Catharticum periculosa fane alea in purpura experimur, nisi urina concocta pustulæ-ve jam ferè fuerint exsiccatæ. Puerpera purpura laborans cathartico leniore sumpto eodè die mortua fuit. Fordyce ibid. p. 57.

lacte tepido v. g. decocto florum malvæ, camomillæ & foliorum parietariæ utendum est.

Circumspectè recurrendum est ad hypnotica cùm sæpius illa nocent quàm profint (c), adjuvare possunt dum vigil est ægrotus, dolet, inquietudine vexatur, spasmo laborat & pustulæ difficulter profiliunt. Suo non carent usu diuretica quæ magis convenire nobis videntur in Febre Miliari puerperarum & in lacte devio.

Hæc sunt quæ adimplenda veniunt in Febre Miliari simplici, si sit complicata varias considerationes exigit, ejusque curatio dirigatur ad utrumque morbum, symptoma urgentius debellari debet non omiſſis Miliaribus.

Notanda quædam supersunt circa regimen ægrotantium: diætam exactè observabit æger; cremores hordæi, oryzæ vel avenæ in principio hauriet, & sensim vires consulendo juscula carnea epotabit quibus herbæ utiliter incoquantur: illorum potus erit diluens, temperans, propinari possunt v. g. aqua pulli, vituli, serum lactis cui paulum salis essentialis acetosellæ quidam adhibere solent cum

(c) Allioni Tract. de Miliarium origine n^o. 331.

ægrorum levamine : inutilia non sunt acida vegetabilia ut limonata v. g. decoctum acetosæ & cichorii (*d*). Tempore eruptionis calidiusculus fit potus & leviter diaphoreticus. Mente tranquilla ægri constent, mœrores, tristitiam & metum fugiant; contra verò ad salutem proximam semper intenti sint. Atmosphaera cubilis temperetur, putridi aeris conclavis in quo æger decumbit exclusio necessaria est; nec ille adstantium copiâ nimiove calore est exæstuandus (*e*). Cavendum etiam ne frigus suscipiant ægri, ejusque admissione retrocedunt Miliaria. Stragulis ægri tegendi sunt ad calorem naturalem, & lenem diapnoem servandam non autem ad illos suffocandos (*f*). Linteorum quæcunque sint circa illos, & stragulorum mutatio differatur quantum fieri poterit: illud hyeme multo magis advertendum est quam æstate. Indusium tantum mute-

(*d*) Æstivo tempore vegetus juvenis Miliari Febre vehementi laborabat cum interno ardore in dies augefcente, linguâ flavâ, motibus spasmodicis &c., in decursu morbi qui felicem exitum habuit, initio simplex decoctum cichorii, postea cum additione acetosæ largiter bibebat. Fanton ibid. p. 215.

(*e*) Fischer ibid. p. 92.

(*f*) Idem.

tur si sudoribus diffluat corpus, ne nimis sit calidum observando.

Si quocunque casu vel infortunio, præter Medici expectationem, Miliaria retrocedere contingat, totis viribus ut suum locum repetant conari debet Medicus, alioquin de ægro conclamatum est. In retropulsione Miliarium lenia diaphoretica adhibere oportet, potus tepidi propinandi sunt: calor lecti, frictus cum lintheo præsertim vapore succini imbuto multum solatii afferent. Si hæc præsidia sint inutilia, statim recurrendum est ad vesicantia quorum usus eximius est, quæque sæpius locum merentur in Febre Miliari, indicantur v. g. dum pustulæ non elevantur, sed levis aliquis solum modo rabor cum minutissimis quibusdam pustulis in cute conspicitur & venenum in cute profundius hæret, potiori jure etiam in albis Miliaribus quàm rubris conveniunt. Camphora jam laudata sub formâ emulsi vel julapii cum liquore anodino Minerali mixti faustè usurpatur. Hoc remedio sæpè utitur clarissimus Storck ut patet ex ejus observationibus (g). Camphoræ usum valdè commendat Illustr. Vanswieten mo-

(g) Storck ann. Med. prim. p. 71.

do sequenti illam præscribere solebat :
 recipe aceti uncias X. sacchari albi uncias
 II. camphoræ drachmam I. quibus addan-
 tur guttæ aliquot spiritus vini ut rectè dis-
 solvatur. Cochlear hujus mixturæ quâque
 horâ hauriendum suadet, donec efflores-
 cant Miliaria (*h*). Dum pustulæ difficilè
 profiliunt vel evanescunt, cum fiduciâ
 ad camphoram & vesicatoria recurrebat
 non satis laudandus Fordyce. Inter auxilia
 quæ Miliaria revocare valent enumerari
 debet etiam balneum calidum cujus ægre-
 gios effectus obtinuit Medicus Parisiensis
 (*i*). Clarissimus Marteau plures ægros
 doluit qui hâc unicâ viâ evadere potuis-
 sent, ni obstitisset vulgi præjudicium, sed
 magno cum successu in hoc casu pedilu-
 vio calido usus fuit, nec-non balneum
 vaporis utiliter adhibuit. Non dubitat
 Vir illustr. quin valdè proficua fuissent
 balnea & semicupia calida, modo ut opor-
 tuno tempore in usum venirent, & ægri
 à frigore immunes serventur, dùm è bal-
 neo exeunt (*k*).

Tandem superest ut quædam brevissi-

(*h*) Maladies des Armées p. 182.

(*i*) Gourelés de la Motte.

(*k*) Marteau, Traité des Bains d'eau douce.

mè proferramus circà sequelas Febris Miliaris. Morbo sublato frequenter succedunt artuum inferiorum tumores & calor hecticus (l), intumescit aliquoties totum corpus vel in ascitem æger delabitur : rariùs evenit quod in nobili matrona adnotavit J. C. Brunnerus etenim præter alia graviora incommoda, etiam nodi circa digitorum articulos conflati sunt (m). In mammis abcessus fiunt, depravatur memoria, fluxus lochiorum nimius supervenit cum debilitate, languore, & diminuto appetitu conjunctus. Ægrotantes proni sunt ad sudores, furunculis afficiuntur, nec-non successive apparent pustulæ Miliæres, ita ut semper novæ recrudescent, & sensim in chronicâ degenerant Miliaria acuta.

Hæc varia incommoda auxiliis appropriatis oppugnari debent : multum opis in genere conferunt cathartica plus minus-ve repetita, utilissima sunt tonica inter quæ eminent cortex Peruvianus & martialia:essentia dulcis Stahlian, ait Doctor Planchon (n), & decoctum amarum faustè


(l) Hamilton ibid. 395 & 96.

(m) Fanton ibid. p. 198.

(n) Dissert. sur la Fièvre Milière p. 136.

etiam adhibentur : in vino salviæ infusum à quibusdam laudatur nec-non vinum Hispanicum. Cutis aliquandò arida manet & sævissimo pruritu quærentur ægri ad cujus sanationem maximè conveniunt balnea tepida : de his fusiùs agere vetant dissertatiunculæ limites , nihil quoque de Miliari chronicâ dicemus , quia nostri instituti non est.

FINIS.



RR. DD. PROFESSORES REGII.

Illustriſſimus D. D. JOANNES-
FRANCISCUS IMBERT, *Cancellarius & Judex, nec-non Noſocomiorum Gallia generalis Inſpector.*

DISPUTATURI.

R. D. FRANCISCUS DE LAMURE,
Decanus.

R. D. GABRIEL-FRANCISCUS
VENEL.

R. D. CAROLUS LE ROI.

R. D. PAULUS-JOSEPHUS
BARTHEZ, *nunc Cancellarii & Judicis Coadjutor.*

R. D. GASPAR-JOANNES RENÉ.

R. D. ANTONIUS GOUAN.

R. D. FRANCISCUS BROUSSOUNET.

ANTECESSORES REGII VETERANI.

R. D. HENRICUS HAGUENOT,
Decanus, Profeſſor emeritus.

